



HAVFORSKNINGSINSTITUTTET
Postboks 1870 Nordnes
5817 BERGEN

Saksbehandlar, innvalstelefon
Marita Fjelle, 71 25 84 61

Dispensasjon for prøvetaking av stortare i verneområder i Møre og Romsdal.

Statsforvaltaren viser til søknad av 10.02.2021 om løyve for prøvetaking av stortare i tre verneområde i Møre og Romsdal i perioden 18. april – 8. mai 2021.

Bakgrunn

Overvaking av referanseområder for tare og andre verneområde med tarehaustingsforbod er viktig for kunne vurdere effektar av tarehausting, og skilje desse frå naturlege tilstandsvariasjonar. Den primære overvakingsmetoden er bruk av undervannskamera. Samstundes kan skrapeprøver på stortareplanter gje informasjon om alder, morfologi og påvekstorganismar.

Gjennomføring

Prøvetakinga vil finne stad frå fartøyet FF Fangst. Prøvane blir henta på 5 – 10 meters djup og det blir tatt prøver av 10 – 15 planter per lokalitet. Sjølve gjennomføringa estimerast til å ta om lag 10 minutt per lokalitet.

Verneområde

Søknaden omfattar følgjande verneområde:

Område	Relevant utdrag av verneverdiar (henta frå verneforskrift)	Verneforskrift
Orskjera NR	Viktig hekkelokalitet for sjøfugl, spesielt toppskarv. Området er vidare einaste kjente hekkelokalitet for storskarv i fylket. Området har òg økologisk funksjon som overvintringsområde for fleire sjøfuglartar, samt store marinbiologiske interesser.	Kgl.res. 28.05.2010
Erkna NR	Saman med naturleg tilhøyrande plante- og dyreliv utgjer området ein viktig hekkelokalitet for sjøfugl som havhest, fleire måkeartar, toppskarv, teist, ærfugl, havsval og stormsval. Området har òg økologisk funksjon som rasteplass for fugl på trekk, myteområde for ærfugl og nattplass for skarv og måker, og er leveområde for kravfulle planteartar.	Kgl.res. 28.05.2010

NR = Naturresevat



For begge områda er all vegetasjon på land og i vatn (inkludert tang og tare) verna mot skade og øydelegging.

Havforskningsinstituttet må difor ha dispensasjon frå verneforskriftene for å kunne ta prøver som planlagt. Heimel for vedtak om dispensasjon er § 48 i naturmangfaldlova (nml): *Forvaltningsmyndigheten kan gjøre unntak fra et vernevedtak dersom det ikke strider mot vernevedtakets formål og ikke kan påvirke verneverdiene nevneverdig, (...).* Vedtak om dispensasjon må også vurderast opp mot prinsippa i nml §§ 8-12, jf. § 7.

Prøvetaking i Runde referanseområde ligg i dyrelivsfredningsområde, og treng ikkje dispensasjon frå vernereglane som gjeld der (jaktforbod).

Statsforvaltaren si vurdering

Statsforvaltaren legg til grunn at prøvetakinga gagnar forvaltninga av tareskog nasjonalt og i Møre og Romsdal, og med det bidrar til å sikre naturmangfaldverdiane også i dei aktuelle verneområda. Formålet med prosjektet veg opp for den minimale skaden som stortareplantane blir påført.

Når det gjeld dei ornitologiske verdiane som er hovudformål med verneområda, har fleire av sjøfuglartane på nordvestlandet hatt små hekkebestandar og liten ungeproduksjon i fleire år. Det er då vesentleg å unngå nye belastningar, jf. nml § 10.

Statsforvaltaren kan ikkje sjå at prøvetakinga vil vere nemnande til skade for sjøfugl. Ferdsel på sjøen er tillate i områda, og prøvetakinga er så kortvarig at det ikkje vil vere meir forstyrrande enn annan tilfeldig aktivitet, verken i seg sjølv eller i sum, jf. nml § 10. Vi føreset likevel at HI viser aktsemd og om nødvendig tilpassar prøvetakinga.

Omsøkt periode er 18. april – 8. mai. Av erfaring veit vi at vêrtilhøve eller anna kan forseinke denne typen feltarbeid, og gir dispensasjon til 20. mai for å unngå ekstra sakshandsaming om så skjer. Dette betyr ikkje noko for omfang eller grad av påverknad.

Kunnskapsgrunnlaget som ligg til grunn for vedtaket vurderer vi som tilstrekkeleg til å gi dispensasjon, jf. nml § 8. Føre-var-prinsippet (nml § 9) får ikkje vekt. Vi ser ikkje behov for særskilt vurdering etter nml §§ 11 og 12.

Vedtak

Statsforvaltaren gir Havforskningsinstituttet dispensasjon frå verneforskriftene vist i tabellen ovanfor til å samle inn prøver av stortareplanter vha tareskrape på ein lokalitet i kvart av dei to verneområda. Heimel for vedtaket er § 48 i naturmangfaldlova.

Vilkår

- Dispensasjonen gjeld i perioden frå 18. april til 20. mai i 2021.
- Ein kopi av vedtaksbrevet skal vere med i felt for å vise fram ved eventuell kontroll.

Vi gjer merksam på at vedtaket berre omfattar dispensasjon i medhald av naturmangfaldlova frå verneforskriftene for verneområda. Nødvendige løyver etter anna lovverk må avklarast med rette myndigheiter.

Klage på vedtaket

Partane i saka eller andre med rettsleg klageinteresse kan klage på vedtaket innan tre veker frå det er mottatt. Klagen må vere grunngitt, og skal sendast til Statsforvaltaren. Miljødirektoratet avgjer



klagen dersom Statsforvaltaren opprettheld vedtaket. Reglane om klage på vedtak går fram av kapittel VI i forvaltningslova.

Med helsing

Bjarne Otnes (e.f.)
fagleiar

Marita Fjelle
rådgivar

Dokumentet er elektronisk godkjent

Kopi til:

Statens naturoppsyn Postboks 5672 Sluppen 7485 TRONDHEIM